



Broj: 11-05-34-52481-41/24  
Sarajevo, 29.5.2024. godine

**SVIM OSNOVNIM ŠKOLAMA U KANTONU SARAJEVO  
SVIM SREDNJIM ŠKOLAMA U KANTONU SARAJEVO**

**n/r direktora/direktorica**

**PREDMET: Polaganje eksterne mature i upis u 1. razred srednje škole - Informacija**

Cijenjeni/Cijenjene,

Ministarstvu za odgoj i obrazovanje Kantona Sarajevo, u posljednje vrijeme, obraća se veliki broj roditelja učenika 9. razreda osnovne škole jer ne raspolažu osnovnim informacijama koje se odnose na polaganje eksterne mature i online upis učenika u 1. razred srednje škole. Prema tvrdnjama pojedinih roditelja, određeni broj škola upućuje roditelje direktno u Ministarstvo u vezi sa svim pitanjima koja se odnose na polaganje eksterne mature, što za posljedicu ima otežano funkcionisanje Ministarstva te navedene poteze smatramo nedopustivim.

Kako bismo zajednički, roditeljima i učenicima koji završavaju 9. razred, olakšali period pred kojim se nalaze, potrebno je da se u svim osnovnim školama održi zajednički roditeljski sastanak ili pojedinačni roditeljski sastanci te ih se detaljno uputi u važeći pravilnik o polaganju eksterne mature, sa posebnim osvrtom na mogućnosti oslobađanja od polaganja eksterne mature i nadležnostima škole odnosno školske komisije u vezi sa ovim pitanjem.

Posebnu pažnju skrećemo na obavezu polaganja eksterne mature za učenike koji su po IPP-u realizovali nastavni program tokom osnovnoškolskog obrazovanja.

Također, roditeljima je potrebno detaljno obrazložiti način bodovanja testova na eksternoj maturi, što je propisano i jasno definisano u članu 10. Odluke o kriterijima za upis učenika u 1. razred srednjih škola Kantona Sarajevo ("Službene novine Kantona Sarajevo", broj: 20/24), koju ponovo dostavljamo u prilogu ovog akta.

Podsjećamo, sve informacije o eksternoj maturi i online upisu učenika u 1. razred srednje škole se blagovremeno dostavljaju svim osnovnim i srednjim školama te se iste objavljuju na web stranici Ministarstva za odgoj i obrazovanje u sekciji Eksterna matura i Online upis. Također, u aktima koji su dostavljeni školama, navedeno je da je sve informacije o eksternoj maturi i online upisu učenika u 1. razred srednje škole potrebno da škole objave i na svojim web stranicima. Na web stranici



za upis učenika u 1.razred u sekciji Pomoć nalaze se video uputstva cijelog procesa upisa učenika (kreiranje računa i prijava, pregled podataka, izbor smjera, reizbor smjera) - <https://upis.emis.edu.ba/#/pomoc/podrska>.

O svemu navedenom neophodno je upoznati učenike i roditelje na roditeljskim sastancima u osnovnim školama kako bi znali gdje mogu potražiti sve potrebne informacije o ova dva vrlo važna procesa.

Isto tako, srednje škole su obavezne da se upoznaju sa svim navedenim informacijama kako bi znali uputiti učenike koji kontaktiraju njihove škole.

S poštovanjem,



Prilog:

- Odluka o kriterijima za upis učenika u 1. razred srednjih škola Kantona Sarajevo ("Službene novine Kantona Sarajevo", broj: 20/24)

Dostaviti:

- Naslovu
- Vijeće roditelja učenika osnovnih i srednjih škola, n/r Predsjednice, e-mail: [vijeceroditeljaks@yahoo.com](mailto:vijeceroditeljaks@yahoo.com), Centar za mlade/Youth house, Sarajevo, Džemala Bijedića bb do broja 42
- JU Institut za razvoj preduniverzitetskog obrazovanja, n/r direktorice, Aleja Bosne srebrene bb, IX sprat



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-128  
Web: <http://mo.ks.gov.ba>, E-mail: [mo@mo.ks.gov.ba](mailto:mo@mo.ks.gov.ba)

2/2